

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: KT-RZ. 1/09
Tuzla, 12.5.2009. godine

12 MAY 2009

Sud BiH / Суд БиХ
Кривично одјељење и Апелационо одјељење /
Одјел I / Одјел II / Одјел I и Одјел II
Одјељење за судску управу / Одјељење за судску управу

x - 10/09/18

6 (Str./Стр.)

23-07-2009

KANTONALNI SUD
TUZLA

Na osnovu člana 45 stav 2 tačka i) i člana 241 stav 1 ZKP-a FBiH, podižemo

OPTUŽNICU

PROTIV:

OSTOJIĆ ZARIJE zv. „Zare“, sin Brane i Nade Gašević, rođen u Vlasenici, nastanjen u Vlasenici, ul. Srpskih ranjenika, rođen dana 24.7.1971. godine, Srbin, državljanin BiH, JMBG 2407971183756, elektromehaničar, neoženjen, SSS - Elektromehaničar vojsku služio u Zagrebu, 1991. godine, bio pripadnik Vojske Republike Srpske

ŠTO JE:

U junu mjesecu 1992. godine, za vrijeme rata u BiH, kao pripadnik rezervnog sastava policije - specijalne jedinice SJB Vlasenica, odnosno vojske Srpske Republike Bosne i Hercegovine, zajedno sa drugim pripadnicima ove formacije, kršeći pravila međunarodnog prava i to vršeći teške povrede člana 3 i člana 147 IV Ženevske konvencije o zaštiti civilnih lica za vrijeme rata od 12.08.1949. godine, te povrede koje predstavljaju kršenje člana 75 stav 2 tačka a), ii) Dopunskog protokola uz Ženevsku konvenciju od 12.08.1949. godine o zaštiti žrtava međunarodnog oružanog sukoba (Protokol I), a koje se sastoje u vrijeđanju ljudskog dostojanstva, mučenju i nečovječnom postupanju, prouzrokovanju velikih patnji, nanošenju teških povreda tjelesnog integriteta, u prostorijama bivšeg vojnog magacina u Sušici, kod Vlasenice, u kome je formiran logor, gdje je upravnik bio Bašić Veljko, a Nikolić Dragan komandant istog, u kojem logoru su bila civilna lica, koja su pod prijetnjom i prisilom prinudno dovedena i tu protuzakonito zatvorena, u više navrata dolazio u logor gdje je pojedinačno i zajedno sa drugima, prema zatvorenicima vršio psihičko i fizičko mučenje, fizičko zlostavljanje i nanošenje teških povreda tjelesnog integriteta, tako što je:

- u više navrata iz logora zajedno sa drugima izvodio zatvorenike - mještane sela Paprača pa su ih na prostoru ispred logora premlaćivali tukući ih policijskim palicama, kundacima puške, rukama i nogama,
- krajem juna 1992. godine, iz logora, u više navrata, izvodio zatvorenika Ombašić Mirsada, koga je od ranije poznavao, pa od njega tražio da mu kaže gdje se

nalaze pojedina lica Bošnjačke nacionalnosti i gdje su njihove puške, pa kada mu je ovaj rekao da ne zna gdje se nalaze i da li su oni uopšte imali puške, snažno ga istukao udarajući ga pendrekom, kundakom puške, nogama i šakama po svim dijelovima tijela, sve dok Mirsad nije izgubio svijest, a onda ga polio vodom kako bi se isti osvijestio, da bi ga naredni dan, opet preko dežurnog u logoru, prozvaao na polje i u krugu logora ponovno ispitivao kao prethodni dan, udarajući ga pri tome policijskom palicom, kada su i drugi vojnici Mirsada s leđa udarili nekoliko puta, pa kada se Mirsad od udaraca onesvijestio, polio ga vodom i čim je došao k sebi, nastavio ga tući, rekavši mu da se do sutra mora sjetiti gdje su ona lica, a kada ga je sutradan ponovno izveo na prostor ispred logora, pa iako je ovaj bio potpuno modar i polomljen od udaraca koje mu je nanio prethodnih dana, opet ga je snažno istukao udarajući ga bokserima i šamarima, upućujući mu svo vrijeme psovke, nakon čega mu je rekao da će, ako se ne sjeti gdje se nalaze „ona lica“, sutra biti ubijen govoreći: „Sutra ti i ja završavamo!“, u čemu nije uspio jer je naredni dan je Ombašić Mirsad zajedno sa još oko 150 zatvorenika prebačen u logor Batkovići.

Dakle, za vrijeme rata u Bosni i Hercegovini kršeći pravila Međunarodnog prava prema civilnom stanovništvu vršio nečovječno postupanje, namjerno nanošenje duševnog bola, velikih patnji i teških povreda tjelesnog integriteta.

Čime je počinio krivično djelo -Ratni zločin protiv civilnog stanovništva- iz člana 173 stav 1 tačka a) i c) Krivičnog zakona Bosne i Hercegovine.

Radi toga

PREDLAŽEMO

Da se pred tim sudom zakaže pretres na kome da se izvedu slijedeći dokazi:

I - Da se saslušaju svjedoci:

- ① - Ombašić Mirsad sin Midhata, ul. Ludviga Pešića broj 17, Tuzla, ✓
- ② - Zimić Zijad sin Osmana, ul. Stara željeznička stanica broj 19, Semiizovac, ✓
- ③ - Bastah Predrag sin Radovana, ul. Vojvode Mišića broj 21, Vlasenica, ✓
- ④ - Kičić Faruk sin Sakiba, ul. Blagoja Parovića broj 55, Tuzla, ✓
- ⑤ - Ambešković Seid sin Muje, ul. Ludviga Pešića-Miladije broj 17, Tuzla, ✓
- ⑥ - Kurtić Enisa kći Ahmeta, Durakovići bb, Vlasenica. ✓

II - Da se pročita i izvrši uvid u materijalnu dokumentaciju i to:

- ✓ - Obavijest Tužiteljstva /tužilaštva BiH, Posebni odjel za ratne zločine, Regionalni tim III Sarajevo broj KTA-RZ. 183/08 od 21.10.2008. godine,
- ✓ - Foto dokumentacija prostorija logora Sušica FMUP-a Sarajevo broj 09-14/1-04-5-2337 od 03.4.2008. godine.

- ✓ - Nalaz i mišljenje vještaka Maje Martinović broj 09-14/1-04-5-2337/08 od 03.4.2008. godine,
 - ✓ - Zapisnik o uviđaju Ministarstva sigurnosti, Državna agencija za istrage i zaštitu broj 17-4/2-04-2-1148-38/06 od 12.02.2008. godine,
 - ✓ - Crtež lica mjesta Državna agencija za istrage i zaštitu broj 17-02/8-04-1-1/08 od 12.02.2008. godine,
 - ✓ - Foto dokumentacija logora „Sušica“ Ministarstva sigurnosti, Državna agencija za istrage i zaštitu broj 17-02/8-04-1-3/08 od 03.3.2008. godine,
 - ✓ - Video snimak-CD,
 - ✓ - Spisak rezervnih radnika Srpska Republika BiH, MUP Sarajevo SJB Vlasenica, za mjesec august 1992. godine,
 - ✓ - Spisak rezervnih radnika Srpska Republika BiH, MUP Sarajevo SJB Vlasenica, za mjesec septembar 1992. godine,
 - ✓ - Spisak rezervnih radnika Srpska Republika BiH, MUP Sarajevo SJB Vlasenica, za mjesec oktobar 1992. godine.
- potvde za optužnicu.

REZULTATI ISTRAGE

Ovoj optužnici prethodila je istraga koja je dovršena na osnovu saglasnosti-obavijesti Tužilaštva BiH, Odjel za ratne zločine, Regionalni tim III Sarajevo broj KTA-RZ. 183/08 od 21.10.2008. godine, a predmet KT. 802/94, u okviru koga je i osumnjičeni Ostojčić Zarija, prethodno je u skladu sa Rimskim Pravilima Puta, pregledan u Haškom Tribunalu.

Tokom istrage ispitan je osumnjičeni, saslušani su svjedoci i pribavljena je materijalna dokumentacija, pa iz dokaza prikupljenih tokom istrage proizlazi osnovana sumnja da je osumnjičeni počinio krivično djelo -Ratni zločin protiv civilnog stanovništva- iz člana 173 stav 1 tačka a) i c) KZ BiH.

Dokazi na kojima se zasniva optužnica su iskazi svjedoka i to svjedoka oštećenog Ombašić Mirsada, te svjedoka Ambešković Seida, Zimić Zijada i Kurtić Enise, koji svojim iskazom u cijelosti potvrđuju činjenične navode dispozitiva optužnice, te svjedoka Kičić Faruka i Bastah Predraga koji su svojim iskazima potvrdili bitne i odlučne činjenice vezane za događanja u logoru Sušica i u Vlasenici u 1992. godini.

Optužnica se zasniva i na materijalnoj dokumentaciji a to su: Obavijest Tužiteljstva /tužilaštva BiH, Posebni odjel za ratne zločine, Regionalni tim III Sarajevo broj KTA-RZ. 183/08 od 21.10.2008. godine, Foto dokumentacija prostorija logora Sušica FMUP-a Sarajevo broj 09-14/1-04-5-2337 od 03.4.2008. godine, Nalaz i mišljenje vještaka Maje Martinović broj 09-14/1-04-5-2337/08 od 03.4.2008. godine, Zapisnik o uviđaju Ministarstva sigurnosti, Državna agencija za istrage i zaštitu broj 17-4/2-04-2-1148-38/06 od 12.02.2008. godine, Crtež lica mjesta Državna agencija za istrage i zaštitu broj 17-02/8-04-1-1/08 od 12.02.2008. godine, Foto dokumentacija logora „Sušica“ Ministarstva sigurnosti, Državna agencija za istrage i zaštitu broj 17-02/8-04-1-3/08 od 03.3.2008. godine, Video snimak-CD, Spisak rezervnih radnika Srpska Republika BiH, MUP Sarajevo SJB Vlasenica, za mjesec august 1992. godine, Spisak rezervnih radnika Srpska Republika BiH, MUP Sarajevo SJB Vlasenica, za mjesec septembar 1992.

godine, Spisak rezervnih radnika Srpska Republika BiH, MUP Sarajevo SJB Vlasenica, za mjesec oktobar 1992. godine, iz koje proizlazi slijedeće stanje stvari:

Iz zapisnika o uviđaju, foto dokumentacija lica mjesta sačinjenih u prostorijama logora „Sušica“, crteža lica mjesta, kao i nalaza i mišljenje vještaka Maje Martinović vidi se da je u bivšem vojnom skladištu bio formiran logor Sušica, i da su ovaj prostor i prostorije imali sve karakteristike logora, gdje je cijeli prostor ograđen žičanom ogradom, gdje su prozori obezbjeđeni sa metalnim rešetkama, te stražarskom kućicom na ulazu u kompleks logora, u kome je za cijelo vrijeme njegovog postojanja bio protivpravno zatočen veliki broj zatvorenika nesrpske nacionalnosti, da su taj logor obezbjeđivali vojnici-stražari koji su između ostalog boravili i u stražari. Iz dokumenta Haškog Tribunala oznaka F120-3206, F120-2636, F120-3321, koji predstavljaju spiskove rezervnih radnika milicije SJB Vlasenica za mjesec august, septembar i oktobar, proizlazi da se pod rednim brojevima 67, 82 i 78, vodi Ostojić Zarija, kao primalac isplaćenih akontacija ličnog dohotka za navedene mjesece u 1992. godini, što potvrđuje njegovu pripadnost jedinici Vojske Republike Srpske, a koju pripadnost ni osumnjičeni nije osporavao.

Osumnjičeni Ostojić Zarija ne priznaje izvršenje krivičnog djela, ali se njegova odbrana ne može prihvatiti kao tačna obzirom da je neutemeljena, odnosno suprotna je navedenim dokazima.

Cijeneci naprijed navedeno može se osnovano zaključiti da je osumnjičeni radnje koje mu se stavljaju na teret preduzeo u vrijeme rata jer je ratno stanje proglašeno 20.6.1992. godine, da je postupao kao pripadnik Vojske Srpske Republike Bosne i Hercegovine, odnosno Vojske Republike Srpske, jer je Zakon o vojsci Srpske Republike Bosne i Hercegovine, donesen u junu 1992. godine, i to nakon što je 12.5.1992. godine Skupština Bosanskih Srba izglasala da se formira Vojska Srpske Republike Bosne i Hercegovine. Također se može zaključiti da radnje koje je preduzeo osumnjičeni predstavljaju kršenje Pravila Međunarodnog prava, a da je svojim radnjama ostvario sve elemente bića krivičnog djela -Ratni zločin protiv civilnog stanovništva- koje mu se ovom optužnicom stavlja na teret.

Zbog svega navedenog predlažemo da sudija za prethodno saslušanje optužnicu potvrdi.

MATERIJAL KOJI POTKREPLJUJE NAVODE OPTUŽNICE:

- Obavijest Tužiteljstva /tužilaštva BiH, Posebni odjel za ratne zločine, Regionalni tim III Sarajevo broj KTA-RZ. 183/08 od 21.10.2008. godine,
- Foto dokumentacija prostorija logora Sušica FMUP-a Sarajevo broj 09-14/1-04-5-2337 od 03.4.2008. godine,
- Nalaz i mišljenje vještaka Maje Martinović broj 09-14/1-04-5-2337/08 od 03.4.2008. godine,
- Zapisnik o uviđaju Ministarstva sigurnosti, Državna agencija za istrage i zaštitu broj 17-4/2-04-2-1148-38/06 od 12.02.2008. godine,
- Crtež lica mjesta Državna agencija za istrage i zaštitu broj 17-02/8-04-1-1/08 od 12.02.2008. godine,

- Foto dokumentacija logora „Sušica“ Ministarstva sigurnosti, Državna agencija za istrage i zaštitu broj 17-02/8-04-1-3/08 od 03.3.2008. godine,
- Video snimak-CD,
- Spisak rezervnih radnika Srpska Republika BiH, MUP Sarajevo SJB Vlasenica, za mjesec august 1992. godine,
- Spisak rezervnih radnika Srpska Republika BiH, MUP Sarajevo SJB Vlasenica, za mjesec septembar 1992. godine,
- Spisak rezervnih radnika Srpska Republika BiH, MUP Sarajevo SJB Vlasenica, za mjesec oktobar 1992. godine,
- Zapisnik o saslušanju svjedoka Kičić Faruka od 08.10.2007. godine,
- Zapisnik o saslušanju svjedoka Ambešković Seida od 28.4.2008. godine,
- Zapisnik o saslušanju svjedoka Ombašić Mirsada od 29.4.2008. godine,
- Zapisnik o saslušanju svjedoka Zimić Zijada od 12.5.2008. godine,
- Zapisnik o saslušanju svjedoka Bastah Predraga od 23.6.2008. godine,
- Zapisnik o saslušanju svjedoka Ombašić Mirsada od 06.4.2009. godine,
- Zapisnik o saslušanju svjedoka Kurtić Enise od 04.5.2009. godine.

OSTALI DOKAZI U SPISU

- Rješenje o sprovođenju istrage Viši sud Tuzla broj Ki. 109/95 od 06.9.1995. godine,
- Zapisnik o ispitivanju osumnjičenog Ostojić Zarije Kantonalno tužilaštvo TK Tuzla od 03.4.2009. godine,
- Punomoć za advokata Dragana J. Gotovca od 30.3.2009. godine,
- Izvod iz baze CIPS projekta na ime Ostojić Zarija.

- SAJA ČORić

ZENAIČA HURID 002/652-026

MIROSLAV ŽEVIĆ
003/370-966

BAKIRA HASEČIĆ
001/272-000

Da optužnica nije javni dokument
Da dodatna optužnica javna
I predaje kao javni dokument

Udruženje "Žena - žena rade"

MIRKA KARTONČIĆ HOŠIĆ - AIS/ 06/1504-665

Agencija za zaštitu građani podataka u BiH
popisnici

KANTONALNI TUŽITELJI

Fatima Hadžibeganović

Emir Ibrahimović

